

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

XV.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

gressus fuerit in has regiones Albertus, rursus exulabimus, nisi belli sævitia opprimamur. Quod pie filias Francisci Dyrandri nutrirî & educari curatis, Deo gratum officium est, & tibi gratiam habeo, quod id mihi significasti, ubique eas commendo. Si mihi erit exulandum, accedam ad vos, ut de multis rebus colloquamur. Stancarus furere non desinit. Perivit à me Elector Marchio, ut de quibusdam controversiis à Stancaro motis, responderem. Inter cætera contendit, Christum esse mediatorem tantum secundum humanam naturam. Responsonis meæ exemplum vobis mittam. Nunc mitto has pagellas, quas addidi huic Epistolæ.

Debet hospiti suo Magistro Sebastiano Matthæo Wittembergensi, Johannes Weidner quadraginta Joachimicos & grossos duodecim. Valde te oro, ut Patri hortator sis, ut eam pecuniam numerari nostro collegæ curet. Bene & feliciter vale. Die Augusti 26. Anno 1553.

Salutem vobis omnibus opto.

Philippus.

XV.

S D. Clarissime Domine Doctor, Patrone colende. Spero te dudum accepisse literas, quibus respondi epistolæ tuæ, quâ de functione docendi elementa veræ de Deo doctrinæ in vestra schola mecum contulisti. Tibi pro paterna & perpetua erga me benevolentia tuâ gratiam habeo, ac ubicunque locorum sumus, judicabo nos in una schola Ecclesiæ Dei vivere, quæ in his regionibus Dei beneficio tranquilla est & floret sub Principe Pio liberali & verè nutritio Ecclesiæ & scholarum. Aliquod vulnus acceperunt hæ Ecclesiæ Saxonicae ex obitu præstantissimi viri D. Johannis Oëpini, Superintendentis Hamburg. Eum paucis diebus secutus est D. Erasmus Alberus, qui in oppido hujus ditionis Newbrandeburg paucas septimanas præfuit. D. Morlinus nunc Brunswicensem Ecclesiam gubernat. In hac Academia doctrinæ Theologicæ studia gubernant D. Johannes Draconites & Doctor Johannes Aurifaber; Ego Evangelium Matthæi & Carechesin propono, in textuali enarratione Bibliorum usque ad II. caput Levitici perveni, ac spero DEUM mihi vitam tandiu propagaturum esse, donec omnes libros Propheticos & Apostolicos ordine explicuero. Ante paucos dies mihi desponsata est virgo Margarita, filia Laurentii Smeds, præcipui senatoris in hac urbe. Sacrum nuptiale celebrabimus, DEO volente, postridie Martini. Te oro, ut conjugium nostrum piis præcibus DEO commendes, quas cum non dubirem efficaces esse, amplissimi

plissimi muneris & thesauri loco ducam. Bene & feliciter vale & rescribe,
Rostochii, 28. Augusti Anno 1553.

David Chytræus.

XVI.

Salutem in eo, qui vetera facit transire, & nova cuncta succedere, is & hunc
Sincantem novum annum tibi & tuis quam felicissimè faciat illucescere, Cla-
rissime D. Doctor idemque observande in Domino Minor. Neq; enim ut hinc
præfationem meam ordiar, ita te audeo appellare filium, ut tu me patrem, qui
tibi sane collatus filius sum & te patrem reverenter agnosco. Accepi equidem
gratus pias & eruditus tuas 14. scriptas, ipso die Thomæ, quibus si non, ut vo-
lebam, nunc pro dignitate respondero, dabis veniam mihi à tergo omnia in
isto veteri anno relinquenti, ad ea verò, quæ à fronte sunt, enitenti. Ob id
spero facilius mihi condonaturum te, si quid in hoc scribendi officio hætenus
peccavi & neglexi. Sarcurus, quantum Dominus dederit, illud, quicquid
sit prætermisum. Ut autem breviter respondeam ad ista, quæ seridò à me postu-
lare videris. De nobili illo Turbator Ecclesiarum, qui passim, ut audio,
me in scriptis suis auctorem facit exortæ Tragædiæ, de humana Christi natu-
ra, quam primus ego omnium, contra illum ausus fuerim affirmare creaturam
esse, deinde in conventu Schmalcaldensi, me tantum effecisse, ut non auditus,
& causa non bene cognita sententiis Theologorum damnaretur. Ea videntur
capita esse ad quæ responsum qualecunque meum petis. Est quod dicitur lu-
culentum mendacium non semper opus responso habeat. Tamen quod non
diu videor fecisse, idem à me postulantibus Augustanis, præstabo & nunc,
quantum per otium & tabellionis festinantiam licet. Tu pro tua prudentia
piâ, facile de Schwenckfeldio, optimum & innocentiss. quemcunq; sycophan-
tiis proscindente, judicabis. Idque ex illo suo volatili & amaro libro, quem
doctiss. optimoq; nostro D. Philippo olim dedicavit, cui præfixit illud Theo-
logorum Schmalcaldæ congregatorum decretum, meliore fide, à me nuper
Augustam missum. In eo etiam meminit, quod ego, ut ipse solet creaturale
negotium vocare, de ea causa cum eo egerim. Id quod ingenuè fateor, sed
non antea quam in Silesia, Argentina, Augusta, Memmingæ, aliisque locis
prior ipse non semina tantum sparsit, sed & aliquam se bonam messem fecisse,
jactavit, priusquam scilicet Ulmam ipse veniret, & me nunquam ei visum
ad se vocaret, atque, ut solent Christologi, blandissime se insinuaret pollicere-
turque, se etiam nos ad juturos contra papatum & promoturum Christi regnum.
Sed ut fit angelo illi in lucem se transformanti, statim Satanicas unguas osten-
tavit,